

## De Nikolaus kummt heit

Es is widder mol soweit:  
de Nikolaus kummt heit!  
Mer hann schunn lang gewart  
uff denne Mann me'm Bart.

Er hat, des is bekannt,  
e wunnerschää Gewand.  
Un uff seim Kopp, ganz spitz,  
do sitzt e goldni Mitz.

Un aus seim Buch, do lest er vor  
die Kinner, die wo iwwer's Johr  
net brav war'n un net hann geheert,  
wann de Lehrer was erklärt,  
un Hausaufgabe als net mache,  
doch dodefor viel ann're Sache,  
die, wo mer net mache soll:  
Mit denne Kinner werd gescholl.

Doch in seim Buch, do steh'n aa drin  
Kinner, wo stets fleißich sinn,  
wo immer brav sinn un ehr Sache,  
wo se mache solle, mache.

Er kennt se all, er wääß Bescheid,  
aa iwwer die erwachs'ne Leit.  
Drum tu jetzt mol ganz in dich geh:  
„Gäbt's was SieBes odder Schlää?“



Günter Mannweiler